

集部

欽定四庫全書等

醫問集卷二

詳校官中書臣贾 錢

中書臣劉源溥覆勘 總校官降調編修臣名 聖 脉

騰嚴監生臣李世麟


校對官編修臣盧

迹

处足四華心馬 欽定四庫全書 醫問集 提要 初起陝西衆議檄未至而母及乃上疏懸解 成化丙戌進士授户科給事中部病歸弘治 先浙之定海人以戎籍縣遼東義州衛欽登 賀欽平生言行及詩文稿而成欽字克恭其 臣等謹案醫問集九卷明賀士諮編輯其父 中的 集部六 别集類五明

金い口小人門 皆切近真實非高談性命者可比而所上諸 遠在主敬以收放心而已故集中所録言行 出惟以進修為事其學不務博涉事讀經書 聞陳獻章名遂師事之及謝病歸里杜門不 第八卷為奏稿第九卷為詩稿欽官給事時 小學期於返身實踐嘗言為學不在求之高 三卷為言行録四卷至七卷為存稿好雜文 服闕遂不復出事蹟具明史儒林傅是書前 挺要

烫定四車全書 !! 並以名其孫云乾隆四十五年十一月恭校 論之也欽少讀書醫無問山白號醫問山人 揮灑而仁義之言為然可見固不必以工 拙 講學諸人中粹然獨為純正文章雖多信筆 往指献章議論為過高其氣象殊不相似在 章之學當時或病其近禪欽雖學於獻章而 奏疏亦無不通達治理確然可見諸施行獻 性情寫實循循下學平日論工夫次第亦往 1. 問 #



歌定四車全書 ! Control Control Control 一時間集 像光請别宅拜從叔母率以為 戚雖甚寒賤行之盡其爱 明 八涉樂之自當迎醫之 賀士誻 編

常 先生性喜於訪問與鄉之長老言期問先輩德政之善 先生謁疾家居四十年男喪問疾外不輕出一切貴官 與他處人言輔問地理風俗人物之實以至各邊蠻夷 台り 先生聞之曰某何敢慢人養病官法當如此耳鄉之親故 相訪者止是致敬以延待之未當往拜也間有不樂者 情狀無不訪求 弟閱牆夫婦人目執述不返人不能指

先生善化導人雖者老商賈往往從化有史六丈者平 置史遂有所得巍然為鄉之達尊凡鄉人從先生之言 通鑑綱目次及春秋經左氏諸家傳數年之間寒暑不 生的於南方老而始歸慕先生之德遂來求學先生仍 **盃酒從容之際一言復初矣益誠意動人不覺心服耳** 行文公喪葵正禮者史文為之護喪排異端守禮法老 以前輩待之每來朝為解說小學家禮次四書次朱子 而蓝篇或言行有違禮者先生必正色語之史亦安受

人民日年在十二

腎間集

先生遊亦自取小學講說體行鄉中夸毗子往往笑之 先生當迎從叔父之喪于他州適其邊有以酒食誘殺 遭母喪一遵文公禮衰服嚴然居倚廬之中不御軍酒 終喪始出後數年先生為作倚廬記紀其實以為世勸 不以為忤也又史瑶者丈人從子也亦為商遣其子從 史君曰我惟從賀先生行耳久之行義卓然鄉人敬服 八而以報功者其指揮董某者謂其當事之官曰吾聞

率類此 先生静修林下而實未有忘天下之心當孝宗改元之 先生往年寓客即時視從者燒煤上家之婦兒其未習 是安可實告只言敵殺耳已而先生至董具道其實且 也自為焼之先生轉致敬以避於外如是者再三則其 賀父將至倘問及殺賊事以實告耶姑諱之也其人曰 日某於他人可欺於尊者不忍敗也先生得人盡情! 亦知禮而相避矣益化之也

文色日草合馬

肾間集

孩數歲遂取為後且謂世之瞽者誦習淫邪妄誕而不 先生之外父之嗣取而養之於家已而慮曰古人必立 時遼東都司都指揮鄧鈺大學士劉吉御史姜洪曹琳 知道正事乃獨教以誦文公小學教係東來格言孝順 母有艱色乃競其兄之替者且曰替於其家無用而有 聞之曰時其泰子吾雖不能出而天下賢才當見用矣 更有不記名者若干人交章為舉時先生有老母在堂 同宗之子為後今吾外父有姪當為立之議其季者其

金グアルグニー

指揮文敬園中看花有詩云齊居四十二年身未見東 益潛心正學杜門不出者十年至戊戌歲始造表弟馬 之不須糖一錢 詩有益事云 先生自少即勤問學不事遊樂及成化戊子謁疾歸家 族弟禮家人當與鄉之劉姓公子争貿易以瓦礫鄉其 馬不數日馬病死欲訟之官先生有家生良馬直若干 金劉指語人日必得此馬吾方已也先生知之即以與

一致定四庫全書 一人

美醫問集

器先生雖習舉業時之典籍偶得性理聲書一冊把玩 寢不一二夜得其所有殆盡問者咸異之己而為衛库 先生數歲時當宿親戚家其老者能言典故先生與之 悉楊喜目浮圖出句云實塔七層遠近皆來瞻仰即應 生憲副楊公鋪按臨見而愛之問吾州古郡名對之甚 風桃李春今日名園一盃酒不妨聊作賞花人益實事 一邦畿千里華夷無不歸依楊益喜且曰他日心成遠

謹飭正大雖處他鄉無父師相臨而未當為一報押非 年二十中鄉試第二乃吾州破荒也鄉人稱先生自少 先生精於詩遂不逐數百里往從學高前年有得而歸 景素初吾州以邊衛奮武絕少文學衛庠雖設而為生 吾所有讀官學者若干人矣是以讀書為重役也先生 員者多官府拘執充之故當時校各所出丁重役則曰 乃挺然崛起勤於學業年十八聞建陽新舉子邱時雅 不倦識見趨向自少年已過人遠矣

钦定四庫全書

醫問集

兒輩日汝父此店如此得耳 為暑所傷那出遍體後歲至其時則發夫人當指以示 生歸曰此不可受者遂訪其人於正陽門外還之亡歸 不如也有鄉里相尋不遇以乾葡萄一囊投之而去先 送者大言曰此獨不受者新選户科賀大人耳先生界 書籍帽機之類盛以食羅昇入分布一切却之同官對 外官有饋於科中則其鄉里同年之在科者為之致之 禮之事諸友之年長者亦罔不爱重馬先生在科時凡

表親千戸馬某以貧乏割其居宅一隅賣之先生知之 先生書言人不可作半問不界之人故每語人必以盡 假之相知者得白金如其數價之 平無以應因構飾怨先生日當有以解之時方空之乃 輸之日汝祖宗故宅奈何輕以致棄耶乃為出白金數 弟相争者光以夷齊讓國告之有為繼母所苦及弟之 善全美之道比鄉人有爭田者必以虞芮讓田告之兄 兩以贖之又表親某假貸白金數兩於鄉人須索甚急

次定四市全書 ~

間息

先生性喜賓容恭謹樂易好諮訪老而不懈用是屏居 杜詩曰無深意味不如還看擊壞集也 先生所友皆當時第一流人如陳白沙羅一奉林尝 先生懲人之罪雖嚴肅然事過即不復停蓄於心矣看 頑者亦多感悟馬 不道者心以大舜之事告之傍引的譬及覆不厭故雖 四十餘年而於天下人物風土民情邊思類能知之 渠載凡有言論書尺切於進德修葉者必籍録問

即拜跪言此事恐不能保全乞示生路先生曰汝輩既 知悔即不殺人猶可解聚稍敢俄而相率至東街巷口 **懦遂先發聚聚縱火劫財城中大擾然相戒曰母。** 羅跪再請先生日爾等燒屋劫財皆可抵償惟殺人不 街覧買老爺鄉人以告遂請先生往諭先生解曰吾非 正徳已已逆瑾括民田東人驚疑思亂義州以守臣貪 官獲保里開足矣請之再三遂從弟子十餘人往彼 層相族

座前時用觀省

東定四車全書

城中被爾等優亂至此鎮城馬得不發兵兵雖至爾等 弟不殺人當有原有衆復退數日竟如其言城中不傷 慎無殺人已而撫鎮人果至須臾又報發軍來剿眾復 可放明後日鎮城當有體勘人來爾輩須拜跪求生耳 呼樂相聚日賀老爺不曾說謊我董再往問之先生日 人屯中繁審得錢若干先生分濟貧乏且為銀的以 八某其子已為儒學生以貧鬱為義孫先生傷感垂

とこうでき たます 禮雖習舉業必数以得失有命母為奪志讀書暇日則 鄉間有女多不舉先生立法以戒家人曰吾家子婦敢 教以學案數講六書習射法郊行見枯骨輒令子弟埋 先生教子孫嚴而有道教門生亦然子孫男女但解言 有效尤者必出之益忍於殺子何所不至乎 語即教以揖拜問安之禮知出入即教以出告反面之 涕令家人借銀若干資之不計其報 醫聞集

金月四月一十 上人真學聖賢之要缺也丁寧及覆不厭其詳雖僅僕孩 日某人安在此公立應日學生是也忠直之名傳天下 先生敬待如初或以為請先生曰此公有氣節曾於國 雅咸習聞其說馬 鹿洞規東菜格言曰此諸經之機括在吾人實體而行 先生有一友皆為縣罷歸簡傲不拘小節鄉人易之而 先生晨與祠堂行禮後入書舍諸生揖畢則令背誦白 子監奏巨墙罪惡後其人送香文廟諸生揖畢即舉名問

先生以文公制為祠堂奉先始以繼補小宗不敢祭及 大三日年在日 一間勝 |為尊馬凡教童子即以格言至論日夕薰聒之日此所 謂文公拘於時制祖開元之禮於人情未安乃更以中 主祀之為辭以告從權之故又初從家禮以西為上後 室廬乃嘆日謀生如此祀禮可知於是制高祖以下神 四代既而得原籍定海家書知繼高祖之小宗質弱無 夫取人者當於其大節小節置之可也 謂作聖之基也如周元公希賢希聖章悉以俚語易其

知令人名婦立券為代輸或曰徒収此券耳不如無力 軍士亡命其妻以徵糧自縊救不死苦楚莫訴先生聞 先生自少未审以居官受用許家人而必語以力田謀 辭揭諸壁使重蒙熟誦 先生日非汝所知也 食之道曰古人仕官為行道濟世耳可以此求衣食乎 口渠聽信與否不可必盡吾心馬耳 生某奉簡求為先生復書諭以安命守義心意且數 卷 次足り車を書 易觀象玩解不以高年哀病少置至於易學啟蒙沉潛 時誦味禮中有疑者曰在吾人精以擇之义曰文公採 得之吟咏今學詩者不叶韻遺淫詩豈聖人刑詩教 輯於小學者精粹之言也可詳玩而力行之先生尤喜 先生當日詩不叶韻不成詩況性情有那正好惡之心 憲廟喪先生於書舍率子弟門生齊宿有别館生三人 本意讀春秋一主程胡於書取典謨訓浩諸明顯者時 以市無內買豕殺而食之先生怒而責心 臀間集

規不有處事之要乎正其誼不謀其利明其道不計其 擒狗子無過患可少李猶豫未決先生曰文公白鹿洞 為邊患狗子故開原盜亡入邊回為鄉導先生語李曰 門生有胡文質者當科舉時以疾不果行返該衛路費 夏計擒狗子誅之是後累成無邊警 李參戎守義錦三衛長蘇庫台者以燕狗子為謀主歲 反復功力尤多 功是已斷而行之乃不為徒誦就也李意決成化壬寅

金万口五八十

一 我之知所用力常自克勵後尹臨安六載有聲 Carlaine Vitin 守李諾之得米八萬石明年果再鐵賴此克濟 米若預奏朝廷運來脈溶庶人民不至死亡而邊方可 成化庚子東土大熊先生告之李正即曰聞水平倉有 治之方可進也乃為詩舉謝子事書其扇以教之自後 進倘義利不明先己陷于小人之域何緣上進耶謂門 先生深喜每舉以勉諸生曰人須取舍明然後可以上 八王瑞之騎於之病人皆有之瑞之更多耳當省察克 問出年

言也男耕女織此正當為之事今有不會種田者乎不 生日汝各家紡織否對日不能也且無閒工夫日此何 謂之學又日躬行須是改過遷善不然妄行而已謂門 教門生日為學須躬行故曰學者將以行之也不行豈 **隠微小小禮儀遵守不得更說甚躬行於顧明之處尚** 門生於衛路中或失儀責之曰為學須躬行躬行須謹 义日好利之徒何益於師門何益於鄉黨何益於國家 如此則隱微可知矣

家分世月白書

之耶旨可嘆也 某処按考試丁憂生員先生日此何理也壞人倫壞風 者意為之不愈於外面奔波耶 為耳若曰無閒工夫吾鄉未當以無閒工夫不種田也 俗孰甚於此古人凡有喪者天子之命三年不過其門 此是吾鄉所缺者却將糧食易衣少間衣食俱不足矣 汝輩讀書只是不信如為草七月等詩只是口誦而已 教之孝也又日好秀才決不出考思心害理君子肯為 醫姐妹

銀足匹庫全書! 亦曾如此省察思慮否孟子此章與力說許多話其意 常常涵泳體察何由得長進耶 安在汝華讀心曾得其意否讀書不切已誦說何益 門生侍側先生問之曰孟子曰聖人與我同類者汝輩 便是孝敬之子矣 極是明白痛切但汝輩心中不十分愛他不把來心中 因門生說孟子天節良貴章教之曰此處說內外輕重 門生有粗率者侍立恭謹先生曰朝夕侍親守得此禮

之今但繼其事而以誠心行之又推而及於孫軍邊軍 政施仁心先於鰥寡孤獨毛公亦有合此意其心雖私 ことにしてまれていた。 門生有居改而外父死議往事之或曰禮三年之丧不 私遂非之而不為也為已為人天理人欲所争毫末耳 之無妻者悉為娶之不亦大好事耶又安可以其心之 妨者小所成者大如彼取之如此用之人亦安得而非 李麥我談毛正即為屯軍負者娶妻事先生曰文王發 而事則公也李曰致官員之俸以為之馬得為善曰所 醫順係 1 1 =

盤糧陳繡衣寬來訪請曰生行事可否不能自知且無 謔輕浮非溥徳而何 審戒學者曰好嚴謔者簿徳者也恭敬敦厚謂之徳戲 服而往哭之禮也 另先生日此非尋常**串者**此乃重丧未除而遭輕喪服其 人之所難舜之大智亦不過好問好察大人此意正某 可問處幸有以教我先生曰不聞此言久矣虚心下問 所當法也陳固問之先生以往年之過刻者告之

官責一門生日汝於朋友不取勝己者是殷朋友之倫 善而加勉有惡亦不覺其為惡而克治德業何由而進 亦當以為法而繼之庶乎徳業可進也又曰善惡雖小 聚人亦當以為戒而自省有善非特衆人以為法而自己 くいうかい ハチラ 汝輩須互相講完辯别之可也 教諸生書過善於籍以為勸戒曰有過非特自以為戒 矣夫君臣父子夫婦長幼皆賴友以規箴切磨朋友之 須辨別如睹黑白方好若含糊不分有善亦不知其為 智問集

慎之 銀兵四月石書 獄吏有徐姓者公平謹慎時解文移在司若干年不安 倫其可廢平 日徐自兹愈蓝謹的 取於人先生聞之喜曰是可教而為善也令人送以思 日陳而忠言不聞忠君報國事業由是而陳矣子 人某為總戎先生以書戒之曰位高者易驕騎則皆 中僧道威行後以先生正教之 /與漸次

禮今後吾家或遇此事待其守服滿日欲嫁者嫁之 尺元の事を持 後吾家當一遵正禮戒此俗弊務要男女有别以全人 嚴內外之分男女有别人之大禮載諸小學最為詳明 而追門牆者有恨其衰暮而不能歸正者 感之者甚少雖緇流亦往往自悔悟有反正者有歸儒 凡人家義男物故即以其妻為他義男之妻者殊非道 八家往往牽於習俗視為末務致惟薄不修悔之已晚今 醫問係

哉為吾子孫者當世守此禮庶根本既盛而枝葉自繁 為厚此薄彼也將以尊祖考妥神靈重根本而繁枝葉 問有能卓立起家者西紫東奔宣祖宗兼爱子孫之心 靈無頓身之處根本既傷枝葉凋落必然之理矣縱其 也首違此義如世俗所為一言忿怒骨肉垂離割户分 門斷裂破碎朝為大家而夕若有罪抄割者使祖宗神 祠堂所在之宅宗子世守之不得分析所以然者非故 · 文定四年全書 图明集 惡者光以作奇巧悅婦人為言戒俗而法古敦本而抑 數條聽畢拜謝而退 妄以誠日務紡織以勤日用財物以儉皆用俗語詳悉 教諸婦一十二條日安詳恭謹日承祭祀以嚴日奉舅 解之母自諸婦於堂下拜後令子弟一人於傍讀前於 曰無僕婢以恩曰接親戚以敬曰聽善言以喜曰戒那 姑以孝曰事丈夫以禮曰待娣似以和曰教子女以正 先生當日論文王之化者必序后妃之葛覃數獨夫之

古人貴親父蘇子親見二程尚不信其道德若使生於 經退處士而進姦雄貴勢利而羞賤貧等病能免之乎 記之書不完恨蘇東坡早生伊洛之道不信先生日此 末固君子之青也古人云縱不能行之天下猶可驗之 何足恨也縱使司馬遷遲死史記得完先黃老而後六 其後何能信之子縱使隨眾而信之亦虚文耳此二者 同年張汝弼當曰吾夢中得二恨語恨司馬選早死史 鄉今縱不能行之一鄉不可驗之一家乎

狄芝四車全書 史六丈送一生來學且教之曰學此人事也好先生曰 其人遂服 註銷之有始行不習熟者禮生相之 先生教門生行祭先之禮每四時仲月課具背誦文公 時祭禮文且演其儀度其祭之日期預報而書之至期 日汝家無秀才無人倫乎若用佛教則汝家有和尚乎 一親家欲行家禮乃自疑曰我家無秀才奈何先生 階間集

皆不足恨也

俗傳打旱狐樁者謂天旱是墓中新死人作怪所致 先王制禮已有定法不可過也為有此心竭力以奉 謀欲追補之為文一篇以呈先生覽之曰雖汝孝心然 學受躬行之教弱冠時追痛其父早逝未能行喪禮乃 意却說學些也好不知學個什麼是全好那 先生有甥曰胡深者其父没時甫八月耳年六歳即從 此言便不是矣人之所學唯在人事此聖賢教人之正 母盡誠以承祭祀可也

之王然戎杖其人火其書 火足四草全 請諸先生先生日嘻是欲為秦皇之長城者矣審如是 南人彭姓者專以是感衆兩城鄉民信者順多先生言 當道禁其事後數年王備禦始至道天早村民來告欲 墓碎之則雨愚民無知往往妄作成化問先生當告之 踵故俗王草率許之先生聞之急作一簡論具妄誕且 鄉武弁喜功名者往往有燒磚包砌邊牆之議白都圖 干國典王遂悔而急止之己而天自雨記言亦息後有 腦間係

金りに近人で 之城九里餘耳項因連雨領場殆盡以一城兩衛之力 法不劳而成只欲地方繼續修理亦已難矣且如吾州 · 扶為壞又其後也為小小土牆邊人不甚勞也今規模 邊人死亡無日矣我國初立邊始而埋木為棚已而掘 累年不完今一城之邊動朝二百餘里倘有如吾城傾 高厚民己告勞矣首欲燒磚包砌非泰之長城而何古 而秦則亡滅此事理之明白者奈何效之縱使處之有 人云作者不居居者不作如秦作長城後人因而為利

Kreguet Little 之先生聞之嘆日今日視祖宗時强弱如何民不聊生 地沃饒且自廣寧至開原甚近雖賢明重臣亦往往惑 往年東人展欲展遼東省奪三盆河之北老虎林謂其 於前矣民力可能辨耶幸勿再議白公悚然而止 壞時何以修復令姑以黑白窑言之一城凡有三座每 以殺吾邊人乎且東人之所不安者患在無政以養之 倉原空乏守其見在者可矣奈何為此好大喜功之事 年追其夫丁尚有至秋未完者今為長城計其空當數倍 醫問集

					结	E A	E:
殿	}			İ	結學有已時況時計學贏尤古人之所深思者	31= 1	i
(月)					士	华	n
恩		1			目	思	લે
集		Ì			胜	地	4
长					THE STATE OF	2	1
醫閣集卷一		1			辞	俠	E
					랈	th	Į.
					翼	武	
					香	*	
					胍	以地	
					1	万 -	- i
					古	2	
						الثوا	
1					2	成	:
					所	為	į
1					深	利	
					P	摇	
1					12	洛	
1					石	19	_
		1		1	1	四十	_
					1	恭	
				1		耳非患地之族也或者勞力而成為利幾何而兵連禍	
	 1		1	1		福	

一發神智於於處事接物無所差謬忠君報國事業日益 光明俊偉可與古賢齊趨公何不務此乃瑣瑣於彼耶 都督李公始至求寫影紙習字畫先生因作一簡動之 欽定四庫全書 以為字畫小藝不必繁心惟讀古聖賢書可以養德性 醫問集卷: 言行録 明 賀士諮 编

たこり目という

問問集

請何書為要先生乃令講大學行義仍令其官先授於 到厅口月在意 邊境以安後邊警數動暫撤兵回城因而廢弛邊患日 髙下先生日今當竭誠悔罪之時思政事之關失而改 李公大喜即令素日讀書之官輪流日講以求進益且 王參戎禱雨寺中見芍樂盛開命麾下作對句送先生 先生然後講之歲以為常李公德業大進 吾邊信有六馬營堡監軍鹽山王公朝所建捍外衛內 圖之可也此等戲事恐非其時

アノロンファラ ハチラ 欲負母骸歸原籍先生聞之日噫皆非理矣皆知有母 鄉人有失其前母之墓以其母配父葬前母之子來自 謹先生告以復餘五堡自是邊患益衰 而不知父矣因簡示之其人遂服從合葬父曠 清河堡又數年韓參將來分守韓皆從先生遊尊事愈 甚先生詢得其利害移書無憲河東張公九雲乃修復 火葬之某地但其封不識矣其子求得馬於是怨其弟 原籍求其母墓不得博訪故老有告之曰汝母棺俸被

為先然必得師長之教然後知孝弟而為之故小學之 教心口隆師親友隆之云者嚴憚恭敬與君父等也全 何春夏秋冬祀尚與朱家禮制違港慚而改 生詩以風之曰去釋從儒世所稀網常得處便歸依如 陸港為僧一旦慕儒道學於先生門人范以德遂反正 汝於師長之禮怠忽如此則家庭之間事親事兄之道 門生有慢師者先生曰讀書以躬行為本躬行以孝弟 復從追館下其家故習老氏業奉先之禮未能正也先

銀定 匹库全書

於余之言如水流石比德業所以不進也德業不進而 た己りもという 又曰理須講完如祭禮便須知行則為厚德不行則為 於先生之言者意聽之無疑即行之有疑則質之今汝 涛徳比正格物之事也 從可知矣此一坎不能過更學何事又日為弟子者須 同處便置而不問矣 又日今人於他人有過甚能議論及已身之過與人相 以講於之子也者之間有何益於自心也 問問其

無象不如是也觀論語可見 或有以具文正所者學統學基等文為問先生日聖賢 牆不欲甚為厚然修之有法每臺有牆板稍有被缺瞭 先生常言懷柔侯施聚善守邊其於邊牆止如人家院 首聖賢耶 則著書夏則脱去巾帽先生曰不敬甚矣自古曾有囚 至日高以後無警即一人瞭餘人 人隨壞隨修成以為常

金少い屋人

先生每教人以飲精神潛心為己皆有言其先生公餘

アクラ 日子と 少遠非後進沒謀所可及也 也後來不知過事者往往無牆高厚既勞人力其有損 夫之害飢疫死亡之憂耶公當日邊牆非以其阻賊不 故邊無大壞極散之時擾民幼農之舉又安有千里調 問魏公之量固是間氣恐亦有所偏如軍中斬一卒毀 猖獗軍民茶苦較之昔日大有不侔然後知老將識慮 來取其知出八耳操軍殺將在吾為將者真老成之謀 嗣非臺軍所能脩補聽其大壞然後動大衆築之戎馬 階間集

讀文中子至辭人不願出仕處曰此是實事說得自是 金げに及るでし 貴不去者若無子多言之類可也淫者可不去那以是 七去三不去大綱是如此變通還在人如前貧賤後富 如何先生日亦不是不怒但怒得不覺不似今人驚怪 推之自然可見其餘 其所管者只如尋常額謂當怒之事還是怒方是如舜 /誅四山亦未常不怒也令魏公於此乃全不怒不知

次足の東全等 一 看元城語録曰不免異端衍數之雜 韓文公上宰相書亦甚陋矣謝叠山却還稱他善占地 志於正鵠然後可以中若或大或小則在力也令不立 為學須立志若不立志決無有成之理譬如射箭須去 步已是放倒旗槍者更說占地步耶 好與他處不同 也白虎洞教係與原與夜寐箴當時時在念者 志高速正猶射者不志於正鵠胡射亂射却如何得中 問用身

誠為有理非其他以已意着还者比 六書本義之書雖非大義理所屬然其發揮字畫本義 少/庶為将者不得肆意妄行矣 呼矣 **今為將者由其不學少知義理率皆率意奢縱若要好** 問静極而動者聖人之復豈常人之心無有動静乎 孔子於弟子只稱名至程門便有秀才賢輩諸君等稱 儒官傅尊之嚴考其輔相之善惡實助而點時

金げんでんと言

卷二

無 大巴口巨白馬 官絕少稱職者若提學者得其人考察而罷點之或别 **比理無處不有無時不然人惟無私意間隔之則流行** 先生看朱子語類因命士諮曰可取明白切要者點出 者老軍觀之以祛愚俗之感可得進道之門戶也今世 做近思録卷類抄為一書與學生及鄉之讀書補佛經 人材好學校康之耳在位者宜有以處之也今之 難當静時亦不能静故曰静極而動者聖人之復 雷阳林

者往往有之皆趨向不正志於得耳何足效乎 成為學只是學小人學愚人耶汝軍且安心讀小學必 然後應舉中與不中則有命馬若趨向專志於得即是 小人矣目前由科舉登願官而以貪污不忠自取敗壞 於小人之歸也今人見有人言欲學聖賢則議論之不 為學先要正趨向趨向正然後可以言學不然終不免 以聖賢為志知即行之便是君子之徒至於理既明矣 項差遣務選有徳行者為之庶幾人材有望教門生曰

金万口月石電

不免有過萬之意 學問之功也故欲政事之盡善須本之學問 柔者偏於柔問有得其一二者亦不過天資之偶合非 智而已未常本之學問也故令之為政者剛者偏於剛 二故所學徒誦說而已未皆施之政事政事則私意小 古之政事學問一貫事耳今人學自學政自政判而為 黄氏東發質實少智之人言多糊塗 白沙答張廷祥詩所謂吾能握其機何处窺塵編等語

否乎犯上作亂吾有此失否乎善無於已即勇為以 讀書須看實體察如讀孝弟章便反諸已曰吾能孝弟 惠以及其人若不能禁之安能濟事 為人上者既是不貪亦須嚴切以禁屬官之貪方有實 少意有不滿者在 先生寄曰白沙後有書來謂其前時講學之言可盡焚 白沙讀秦誓抑揚之間亦有太過之意

有於己即速改之只謹守此便是讀書之法

腳板耶 之言固有失散之言亦未為全得夫仲舒於伊吕固所 聖人之法細密而不粗率如人賢否一見之便不言我 不及若其正誼明道而不計功謀利管要何曾夢見他 劉向云仲舒管晏弗及伊吕不加向子散以此為過向 已知其為人必須仔細試驗考察之令人觀人)得其實真俗人所謂假老即者也 見便

张定四車全書 !

粉問集

、懷土如居不仁之里不肯移向仁里中去又如居

氏之所以為尹氏耳使程子之母信佛心能論之於道 問尹氏為母日誦佛經一卷朱子録而識之何如先生 **亂邦貧富貴而不去便是懷土不是譬喻也** 日尹氏寫厚之人不違母之遺言故朱子取之然亦尹

先生讀白沙先生手書為學之方嘆曰先生之資質為 矣如其不從亦若尹氏之母亦别有處置不但如是 軒賦言為學之道在乎主静以為應事建功之本學者 功夫深真豪傑之士不為流俗之所移者又曰先生潛

宜深味之 琐碎傳註之間也 先生當曰吾聞之君子讀書須求大指義不必纏繞於

能見而唯以尤人也 學者凡事不可尤人皆當安之於。命耳義理精微尚欲 講完況眼前之事有何難見但為私意所蔽於是有不

觀許文清讀書録謂其中所言克巴之事甚善韓信軍中問本

左車便是聰明過人處令人不用人言者皆是此心之不明耳

醫題作

ランスノロいっとから

到好吧。月台書 有 該言也學陶得道統之正傳者尚謂其以司刑禍其子 韓信以司兵而宗族夷滅不得與蕭曹張良此真淺恆 孫不知何等人可可刑而福其後也韓信以謀反誅乃 黃東發謂皇陶以司刑而子孫無聞不得與馬稷契氏 驕惰之心一生即自壞矣 以之比皐陶何其謬那至其蕭曹張三子之後為異端 徒篡弑之賊皆為其祖宗之榮又何平耶 一世之俗有一方之俗有一州一邑之俗有一鄉之

大足四車全書 一 下表稱可也人主自謂可如是於伐那 脱平城而肇漢隱憂啟聖文王出美里以與周此在臣 英廟復位之的人謂岳先生所作所謂多難與邦高帝 横氣習而言是不知輕重者也 偶觀李性文評曰朱子之文詳於程子者發明道理以 又日以程門之文未免訓詁家風對蘇門之文未脫縱 示人耳今乃以程朱之文詳畧不同為天分之異誤矣 1000

俗有一家之俗為士者欲移易之固當自一家始

盛行鄉邑馬 先生教人必自小學始時科學之學行往往舍而不讀 者速於去疾亦能損傷真氣惟用之得宜則可全其利 常命諸生曰不願讀小學者無留館下於是小學之教 **幸論天下之士曰乎在京中獨見一白沙耳** 金でプロラノニー 先生母言後世之人知改過選善即可與之有為當欲 而免其害也 用人循臀之用樂和緩者宜於久遠而短於應急快利

飲定四車全書 建立學校濯愛風俗使蔚然為衣冠禮義報功報德何 取古人改過誠身者錄為一帙以化鄉問然以急於自 可忘也於是鄉之者老請於上司具奏朝廷竟不果建 高皇帝之命航海來遠招撫夷夏安輯兵民開創衛所 先生常言遼東當祠者馬都督雲葉都督旺此二人奉 修竟未果也 為建家廟先生間之使告曰馬公之祠與其建於家敦 都督胡忠分守是州賭馬公玄孫輩嘆其先世功德欲 腎間集

誤矣 若因民情而建於吾州乎胡公曰吾不及也遂建祠城 學之說今時取士則純用經義矣更說甚道學先生應 南際地廟額祭品尚英國典云 張汝弼傳某達官之論以為前代取士以解賦故有道 先生每念謹封疆之界謂羌氏不宜置之近牆日使窺 耶鹵养耶以是辨之則謂務經義而即為道學者其亦 一是先正所謂為己耶為人耶躬行耶誦說耶精切

現視今自封疆不謹之後則人人皆姦細矣因此 為其所得往時賊不近牆欲來犯我邊必用姦細先來 此州却往鄰州虜掠人雖知之亦泯泯而已此何理也 起管去後兵禍之像不可勝言此事亦既有明效而過 何我追沉又有容之牆內者遠近虚實多少强弱 此賊既在牆內何所不至搶剝衣服淫污婦女 仍踵故轍者首徇目前不恤後患耳沉賊之老小在 切

次定四車全書 !

醫問係

+

匿之益上所諱言人自緘口矣又地方既有此等於防

等仍須在三四百里外住割防護何當許其經年累歲 許爾等近邊今朝廷憐爾窮困暫令近遇藏縣精壮人 却容其住牆內外何以關防也戊申動諭有云舊例不 宿則令步軍劫之緣此輩近邊更無他事只作賊耳今 云明其為賊敵乃可服昔年法度彰明之時彼去邊最 一賊殺此可以免罪又得陛職邊防大壞全在此耳古人 ·邊自爾急忽既憶其貪我食且不盗邊又以為縱有別 遠臺軍瞭見便舉烟放砲而官軍嚴以備之或何其夜

教門生曰讀格物致知便須一一窮究道理讀誠意便 全集中此乃與張敬夫書文公註云此書非是存之以 不是當是未定之說引之於此者纂修疎謬耳後考太 觀通書誠下章三註中引朱子所論未發之中曰此說 須着實好善惡惡如此方有益耳 在牆下牆内器無中外之辨子 議論本末耳因言修官書者之不用心可慨也 庸或問必有事馬一段當涵泳 ... 發問集

湯聖敬日濟文王敬止之類皆是道也學者欲學聖賢 所痛絕者故曰古之聖賢兢兢業業過了一生若書之 又曰今之學者類多放曠不敬此是一大病乃聖門之 先生日果上不能有益於朝廷下不能有益於鄉當全 言堯便首之以欽明文思舜便曰温恭九塞詩之稱成 必戒謹恐懼去夫放曠之病庶可入也 爾諸生相從若復拒之不忍為也且爾諸生之相從者 以余為年稍長識頗明故耳然須有相信之意則好去

欽定匹库全書

之躬行非徒使人記誦之以應科目釣聲名取富貴以 人とり事とは 諸生於朋友之過失不敢明言恐其怪已此甚非友道 弟子故曰事師母犯母隱因論處朋友之道曰吾觀爾 者爾軍當面請之若然則非惟有益於先生必有益於 望之意且師生之間即朋友之意若余之所為有可疑 祭身也今爾諸生須知此義莫負古聖者書立言之意 不相信無益也古聖作經之意欲使人皆明此理而措 可也若曰吾輩之所希者舉業而已則甚非余今日相 開開幕 + 12

從然後止感諸生之相從不得不明言以告勉之勉之 金、クログノニュー 華達者以人知恥也武職獨非人子 顧上之人不以康 務也又曰今之文職六部等衙門亦有所屬然不專用 又曰為政須養人康恥於下官不可朝加呵吃善楚雖 欽自來不怕朋友之怪有失者未當不直言以正之不! 恥養之耳首能行之風俗之變亦不難也又曰在科中 每見同僚於吏員有小過朝罵詈審楚待之若大無心 下至吏卒亦當以廉恥養之彼然後知自重而勤於公

甚不平謂同僚曰彼亦人也若不以人理待之則彼自 巡撫之職與迎按不同益必撫安一方之人使之安生 如此可以為忠臣而不負朝廷之恩乎 又日朝廷高爵厚禄為何只為幾個窮百姓而已苟不 視益輕而愈無恥也 與之為主而聴人虐害之乃曰我廉矣我勤於公事矣 かんかとりはといかう 且得便宜處置當有人一履任朝參奏許多官亦未為 便必須先周歷各方訪其行實出令以警省之使之垓 醫間集

懼不敢貪污暴虐矣今一下車即參許多官則所參者 悔不遵令然後舉其惡之尤者奏而罰之則各官自知 未必惡之首而惡之首者未常祭也 能行之久遠哉 今人於宴 會若製為歌詩辭語明白不必文飾令左右 又曰法須簡約人方能遵守行之久遠文具而已者宣 此勸勉莫忘公務或言飲不可過多或言醉後威儀言 人歌之或父子骨肉間則說孝慈或同僚之間則說彼

誠實我當日且得肯如此亦好了如本好色把持不好 にこり回います 色如本好酒把持不飲酒此正矯揉之功如何不好若 先生日今人見人有勉强把捉者便笑曰某人造作不 孔子答人之言各中人之病說得如此好雖然又不似 語當謹慎或以古之清廉者為勸或以貪汚者為戒使 為誠實不造作可子 任情胡行只管好色飲酒乃曰吾性如此此等之人 人於晏樂之時不忘警懼之意則亦大有益也 暫間集

不慎也 當為好人不可壞法以貪污若貪賄賂虐害小民與賊盗 當官始之清廉者及其卒多為利吏二者所誘益不可 金万口屋有量 顧也天豈不降災禍於其家者子如此朝夕省諭彼亦 快說話者若孟子則便似快說話者 又曰官之於吏當以德化之須朝夕勘論之曰吾與汝 何異今我輩見賊盗必深疾惡之豈可自為賊盗而不 之欲無大小但為其所中則牽制而不能舉美人之

粗浅一 Lie In the Mine of 知用之人事言人事者不知本乎天理所以一則流於 故有絕人事而求天理者曰世教不明故言天理者不 者神也先生白然問體用一原顯微無間異端不如此 言所以為用者也如雷動風撓火燥用也所以動撓燥 問神者妙用也用即費而願也非神也妙用則神也 又曰理之名雖不同實則為一聖賢認得定故横說直 可以省悟感化不為惡也 則入於高虚 留間集 さ

有未聞者且各人資稟不同又有相從不久便做官去 國朝吳康齊先生不知其詳白沙稱其未會著書意以 者視之稱名則知某人稱字稱號則不知矣是則雖知 說都是譬諸稱呼人或名或字或官或號皆是自不知 欽定四庫全書 有無病者何也先生日程子非一時之言門人有聞者 問格物致知之說程子已論之詳矣其門人之言乃鮮 今之者書者於理無所發明不過為名而已 其人之名其實未曾知也

要者也只作尋常好看了意忍不同則其然也逐矣 夏凊之禮反客不加意皆由世教不明故耳此人材所 子弟之幼者令人唯教以讀書作句於酒掃應對冬温 點之然後人知務本不然則此等人雖能文章終何用平 學校乃朝廷作養人材之所禮義相先之地如不孝弟 聽先生之教未能盡行雖知以為好語然其中十分切 者若資栗高相從久萬實行之方見得親切若但 人是日年人生的 不忠信無廉恥者養之何用上司於如此等人當訪而 智問任

書口心如此然後有益於身心為聖賢之學也他道非 先生先生為之少加損益曰禮須讀而習之如孔子尚 止可舉其大綱使行之者由綱以考目可也觀小學之 與弟子智禮於樹下習之熟則行之自易矣官府文書 以治人極於替化育參天他 王繡衣過義州令儒生行家禮欲通行二十五衛詢於 以難得也 一長可取但所得者少而所失者多唯身心之學推

金グロ人とこと

久定四草全 古之天子公卿躬行於上言行政事皆可師法人馬得 者比之又覺得他還好 觀陳翰林張御史和唐音詩曰唐詩本不十分好被和 白沙之詩正如朱子之文自有許多意味 不善世焉得不治後世教化既無風俗不美人馬能得 渠上岸不亦可乎 以私意求我我却以正道勸之渠欲拖人下水我却救 八有求為私屬者先生以正理喻之退謂家人曰渠來 特問集 た

難如此此賢才所以不易得而世所以不常治也 善世馬能得治牙大抵人之情從俗易達俗難若風俗 于少保所為有取死之理但當日殺之非其罪夫英廟 稍次者已不勝眾人排斥矣況其下者乎後世為善之 苟善中人以下之資旨薰陶漸染為善矣若風俗不善 被留非廷城王監國少保輔相之自當卧薪當膽期復 須豪傑之士挺然特立與俗違拗方能去惡從善力量 不共戴天之響以歸英廟乃不久而鄭王遂居天子之位無

豈敢有他意當是時少保處之有道使城王大誥天下 時英廟被留人心搖机雖城王監國亦自恐懼不暇便 是事也又曰于公大才有安社稷功人鮮及之但大義 以監國復警大義敢有上言欲王即真者即是簽黨身 不明遂至於此或日鄰王欲踐位少保何以處之日當 也豈不有死之理然謂其迎立外藩以樹私恩則實無 景泰但相與一見而遂幽之南内此皆少保當國時事 復討賊之心且廢太子而立己子及敵人自送英廟歸

STATEMENT IN

翳関係

F


是皆助其父而凌其祖者也故君子先務却大義而後 荆焚之忠臣能助主以闢土地者皆周天王之大賊也 一種勢自如乃使英廟禁錮南内此心何忍耶又曰于公 無處置後來自難既不能死諫又不引去而主張國事 家重罪如此則後來越王雖有邪心何由能動當時既 馬可謂人子 清白抄没時其家實無所有 人之大節猶四支四支全而有病者猶可調理一支缺

能盡言職時當退也安得不退於家今朝廷用賢納諫 欽前日上言苦口極言者此心自不能已也益當日不 先生當日某平生於理當為者即為之最不會隨順人 正大有作為之機會也雖居憂養病亦不得不一言也 是的道理若使人都説是便是鄉人皆好之而有苟合 情所以多致人怪者在此然人之處世決無使人都道 體因其

是如此 者多本於安静而躁動管管者必多貪求也先生曰亦 樓本矣故凡静者多自給而動者多求取故人之寡欲 是静物便皆自足不資於動物如鳥獸之類便須食草 耳如目有視之理耳有聴之理目不可以聽耳不可以 問視聴思慮動作皆天也人但於其中要識得真與妄 問静無質於動動有資於静凡理旨如此如草本土石 不然何以答朝廷取用之意耶

欽定匹庫全書

发 二 1



欽定四庫全書等問集卷四

詳校官中書臣賣 鉄

中書臣劉源溥覆勘 總校官降調編修臣 倉聖脉 校對官編修臣盛 逆

騰録監生臣李世麟

飲定四車全書 <u></u> 日人皆知神之 言行録 in Incressor 軍錯用此心 不知不神之神且如此心藏)前乎開闢之初後乎萬世 於黃泉之下何所不貫此 賀士語 編

之甚須上躬行以化之又多建官學選有才德者領其 今之不然也 然則巨室既善而人皆善矣雷動風行能復沮礙惜乎 過人者或違教而不法者許其師月陳之以憑賞責若 作衣服宫室飲宴與馬之類一一教之如式有率教而 雖 事凡貴戚熟臣及其子弟皆收入受教嚴師弟子之禮 京都中行教化亦是難變先是貴戚熟臣家奢侈浮靡 熟臣已有事管領者亦要朔望入學聽教行禮凡動

飲定四車全書 滅 又曰今之為官者甚是難為盖無處無內官故也 觀莊周非孔子處曰若三代時有敢如此說者便須誅 欽思此人絕不曾一見 使之然也 人於富貴之關過不得者更說甚道理 若有一个臣斷斷兮無他技其心休休馬其如有容馬 村之成決在於教如永嘉之人自幼皆能寫大字教 اے

朱文公除官因其處有奄豎循習與監司為實主遂力 論為政曰只有 寬慢姑息便不成體面矣 為官須識大體如巡撫便須除姦革弊激濁揚清但若 之盡矣惜哉 楊信民惟至誠爱民故民爱之如父母 祖宗憲綱都布按與御史相為實主今以語騙二字壞 作何功不能成 一箇虚己下問親賢樂道之心何事不

雖名用不久即遣斥況乎素不相聞者能信任之乎此 朱文公之才德寧宗在東宫時已思慕之及登帝位始 辭其官嗟乎今監司之於內豎則猶弟子之於嚴師矣 倫理篤恩義子孫之中有善之異於衆者獎之以為勸 四時祭禮一一行之祭軍而餕莫使異姓之親相雜序 劉起而問之先生曰是當以德化之也今誠能依文公 劉七丈患其族大而常相争先生曰子有一法能弭之 君臣相遇自古為難也

欽定四車全書 人

晉周集

信不知此所以當君厚待之時則盡力報之貶降之時 以刑戮加於身然我但當守人臣之義亦直可叛之乎 盡職則為忠臣叛之則為賊臣矣君雖待我以薄甚至 以為漢王待之厚而不忍叛之却不知君臣之分既定 因談韓信之事曰義利之間所争不多信不知大義所 而和睦矣劉起謝曰謹奉教 以後至叛逆族誅方其拒蒯通時其所處固是但其意 有過者責之以為戒今能如此行之不一二年間皆化

稱曰魏武帝何其繆即 曹操乃漢之賊臣後人當直呼名而已世之編詩者乃 小司馬議論文章鄙陋之甚其述賛可刪 與僚友相處須開心見誠方是道理 見人有盡和古人之詩者曰弊精神糜歲月一至於此 とこの言 耶 可哀也已又曰縱作得好亦只假景虚情而已何足道 怨望謀叛其心惟知利而己矣 P. A.da 暫問集

荀或為曹賊作謀一生至老乃自殺所謂死有餘辜者 此意尤好盖不漠然捨之而去也韓文公作琴操便只 養人者害人固是選都正意其曰二三子何患乎無君 周太王遷都之言孟子所載數句最好其曰不以所以 說得不以其所以養人者害人後面這意思便遺了 任斷大疑處大事然大臣憤怒謗毀交作主心孤疑而 人非遇明唇之主居大臣之位雖其才識過人得君電 也當喪亂之世小有才而未聞大道者罔不殺身滅族

金分口母在書

y

卷三

之如他事乎然則謂唐太宗為真可事之君者恐亦未 者 問白沙先生讀泰誓自今觀之其論未免過高先生曰 之思也 **馬真所謂禽獸耳為之臣者於此不諫是舍大而言小** 含重而言輕是可謂之忠乎茍於此諫之彼豈肯聽從 **禍及矣故以小加大以疎問親鮮能全其功而保其身** 人言唐太宗諫行言聽誠可事之君然今考其大倫之

ファンコーし シェー

監問集

£

於不能以多問於寡有若無實若虚所以進於聖人之 教李子英曰不改過決不能進然過豈能自知故又須 無虚己下問改過實心彼如何肯說昔者顏子以能問 朋友相規戒子英對曰朋友多不肯言奈何先生曰 以後精神短少更不能前進矣 然白沙後當寄書來云向日都中相與言者皆當棄去 先生教學者曰汝輩須打起精神及時進學到四五十 不可更留之是先生後來之意也 汝

多玩 D.库全書

钦定四庫全書 人 域今要得長進決須學顏子方得汝輩平日彼此相視 生乃不能遵信如何成得人 生盖以此是為學總括處由是可以希賢希聖今爾諸 責門生曰東來格言文公教條欽特提掇出來教爾諸 俱己讀小學乎對曰然曰小子須以是教之方有可望 以為渠便比我争多少我何必問渠既存此意所以人 不肯言所以不能長進先生謂子英日汝所教之學生 然不過成就他一箇利禄之私而已 醫問集 六

合祀於一 立繼萬祖之宗所奉祀之廟於中却於其旁其後别立 今之讀書者只是不信故 則合為一垣四時之祭以次行禮如此方為得宜若只 祠堂以為其餘繼祖稱小宗等奉祀使之各主其祀外 問古人數世同居者其廟制當如何曰此亦不難處既 能克己豈不可以希賢造聖耶 王瑞之壁上揭掇錦二字先生以克己二字易之曰人 一處便只是茍且將就必不能得停當矣 無所得

容正冠襟亦只是持敬之意 可從也 賢誤人人自妄引以為口實耳却不道若害於義則不 朱子調息箴隨時隨處之言功夫全在此也主静先去 朱子調息箴甚善如感與詩哀哉牛山木章結之以肅 事之無害義者從俗可也今人以此壞了多少事非聖 了許多勞攘持敬之功方有入處

飲之四車全書 <u>■</u>

聖人之道自是難盖以無時無處皆要合道至纖至微

智的作

草廬謝愈幕等書甚非聖門氣象聖門開口便道敏於 無 為聖人便深不敢當豈有不待他人稱己自以為盖有 吳草盧道統圖說恐非有道者氣象豈有十九歲人便 中節也 不可得而解者乎况北方又有一許魯齊安可謂天下 可以道統自任古之自任者莫如孟子然公孫丑疑其 不可放過也若節義之士但只一長 可取他事未必皆 欽定四車全書 天地問本一大中至正之道惟太過不及遂流於惡如 成者盖未見之也 今之人天資美而壞之多矣若天資之偏由學問而有 喪葬之禮自有中制若墨氏之薄與後世之侈皆流於 子夏之言病少 後世著書之人 不為名者少 事而慎於言觀孔子顏子誦遜便可見也 惡者也故程子曰九言善惡皆先善而後惡 醫問集

有事衛朝之失哉 觀有是哉子之迁也之類可見使其能信夫子之言安 符决無所成 病其餘一人是一人氣象規模 孔門自顏曾而下諸子之言鮮有無病者有子閱子無 因論為學之道嘆曰人須是信方可望不信則心不相 能看實信亦是難事如子路於孔子之言多是不信

好問則裕自用則小如于路輩亦是自用之意多遇如

欠足四月白島 為學之功不可不細密周詳也 說犯上此雖是他天資萬處便有簡畧細微之病如人 陸子静讀至其為人也孝弟章乃曰人既孝弟如何更 矣 亦有事親長能孝弟者然些小犯上之事時或有之故 **释細行終累大德又曰人一時不敬則一時放肆悖理** 道理不周編精密終是顧得一 是之師如是之友而有如是之失惜哉 船川集 頭顏不得 頭故曰不

自來說草盧者便不見有躬行實得意思稱許魯齊便 著述皆有可議 得濟 草廬看來只是聰明博學躬行切實意思少故其出處 後生須下問以納善然後可望 膽欲大而心欲小不可有偏 今之為官者多是不用人言孤立於上上下不交事安 人之膽大敢為若不知道則弒父與君何所不至故曰

日本人二重

為己之學自是休敢不得今讀書開口便是此理只是 有躬行實踐意思令其文字亦可見

子釋之便要明善復初中庸開口便說性道教由教而 仁義而己所謂仁義便即是明徳即是善與初即是性 大學開口便說明明德論語開口便說學而時習之朱 汝輩無此志故一無所得如小學中所載更不消說如 入者便要戒懼謹獨孟子開頭便曰王何必曰利亦有

次定四車全書 ~

道皆是一般說話只是而今惟在舉業上走把這一

器問係

都是行得者聖賢定不會欺人聖賢處下的方子人肯 時心中便以為聖賢之書決然不是只教人科舉決然 教門生曰子自來讀書於舉業上便不似爾單汲汲當 都 将去醫病無不效者感世誣民者甚多故學者不可不 箇甚麼大抵有志者事竟成志既不在此如何有所見 分惟以義為主則量不期大而自大矣 有所得人惟知利而不知義所以量狹小若知得義之 筆勾了所以只如不讀者一 般全然不覺他是說

1: 1:

青之曰樂然後笑不知汝有何樂汝輩迷了正路胡行 吾方髙聲疾呼喚不田頭却反嘻笑此何理也事師在 先窮理能窮理便不為其所誣矣 諸生歌諸生為學事科名之詩有一年長者亦嘻笑

來看已而各作論來請教先生讀之曰既知得朋友之 乎嚴憚安可如此耶 因諸生於朋友間全不知責善之道因命作朋友之論

次足四年全書 一

倫是如此却都會這等說話乃全不依這言行便不是

器問集

當時蘇東坡只要打破程夫子敬字至今觀之程夫子 便是賢聖之學東坡不免於小人而無忌憚也 自古野聖未當不以敬為首稱昔程夫子專以敬為學 放曠之言放曠之事便須收拾起方可望進經書中說 教門人云無恒是箇大病汝却有此病所以不得長進 成箇甚麽人 今要躬行須先以敬為主不敬便不是聖門家風今後 人了便如鸚鵡猩猩說人的話做不得人底事一般更 金少之是人門 意而妄為增添者有他人之言適其意而取之者有相 多差誤有聖賢之言當記而誤遗之者有不得聖賢之 伯暗秘得沒來頭當時若與人共觀豈無有知其繆者 學者須與朋友講論然後知見可寫明不然便孤陋寡 禮記有可疑者益當時記禮之人非是深於道者是以 充論衡私不示人自今觀之論衡中胡說者不必可見 聞以為好者却反是不好而不自知矣昔蔡伯喈得王

欽定四庫全書 人

晉問集

獨非人乎汝惟知利而不知義耳其人愧謝而去異日 却為兩問房傷兄弟之情國與房孰重乎彼為人而吾 鄉人有兄弟争屋者先生謂其弟曰夷齊兄弟讓國今 善之志雖聞人之善言如何肯拜耶 自不知不覺喜歡而拜謝之今人之心全是私意無為 禹聞善言則拜益聖人之心純是天理故一聞善言便 有雜 一終誤不決擇而遂書之者故他經皆精純而惟此 卷三

|殺兄而兄反親愛之者吾然後知聖人教人之意詳備 如此也吾異日當謝教馬先生聞之謂子姪曰人性本 見兄來先生取小學夷齊讓國虞芮讓田二章以示之 經書中有兄弟讓國者吾怪吾弟傷我經書中有弟欲 彼曰吾弟欲傷我先生復取孟子衆欲殺舜章示之其 人雖以為然而未有痛切意及歸而思之乃謂人日賀 人曰此聖人事也吾馬能之曰學聖人乎學小人乎其 公之教誠天理也非其言吾何以知之吾與弟争屋而

九三四年 台等

船間集

讀白雲許公集曰志聖賢之道甘處貧賤可謂賢矣但 人也 聞彼何由而入於善乎以此又見天下無不可改過之 善但為氣稟習俗所壞耳義理之言自少至老絕不曾 金好四周全書

如此者便無惡不仁之意故也所以聖人說好仁者說

惡不仁者盖不惡不仁則其好仁之心亦不切矣

之感淫媒鄙猥之辭也觀其文可見又曰許公之所以

身心所得者淺是以不免於文士浮華之習佛老異端

大きり 日本島 歲貢依程子所論之法不可但挨年歲如此數年之間 罷送吏部聽選别職即選本學生員及山林隱逸或有 提學之官使提督各處學校到任先考學官有不堪者 今欲養賢才以輔治理須先考察知務實行十三四員! 俗弊可革而賢才漸多矣 使教生員本學推舉者不妨其科舉原自有司推舉者 司見任之官徳行學問可為師法堪授學職者推舉之 仍今食原職俸禄一以躬行為己不事虚浮無益之文 晉問祭 면 í

之選文字而己非當考其行也又翰林之職只在修書 名耳二甲以後雖有大徳大才者何由得入閣而大用 之故不才者得冒濫大用沉翰林之權惟在進士首數 作文尚非大無顧籍貪污請託之甚者外官何自而議 如某人者又有多少盖朝廷用入閣者皆出翰林翰林 及矣茍不求所以用人之道雖罷點一某人不知後來 致使小人蠹政二十餘年今雖劾罷於朝廷之事己無 先生聞閣下某人劾退數曰國家用人不能慎之於始 金少口居己里 次定四軍全書 一 句切要之言可大書於壁時時玩味而自省庶乎有警 於心耳西山先生曰罪己而不非其親者仁人孝子之 小學經書中者汝可一一尋看汝之孝果能如古人而 言心中全無天理矣古人處繼母而盡孝者多矣見於 内外文武少不出於宦官官妾之門安望天下之治耶 乎此雅任之所以每不得人而誤天下也 親有不順者乎汝之心乃大不孝非細故也我教汝兩 門生失爱於繼母有怨之之意先生責之曰觀汝所 新剛祭 士五

教坊司所作淫邪鄙倍之樂壞人心術者也夫古樂久 無有變之者是可嘆也 方會葬此等風俗不終朝可革今國朝百數十年來乃 盛桩坐肆與人交易送喪出城同類設席邀喪主既醉 為政須變移風俗且如杭州陋俗富家大族皆令婦女 是亂臣賊子之徒矣可不懼哉 不仁而已矣出乎此則入乎彼汝今既有怨親之心便 心也怨親而不反諸己者亂臣賊子之志也道二仁

亡今欲考定律日中和之聲固是難事然此等邪穢亦 但之心而惟以嚴刑峻法為事豈父母之道哉夫虎狼 之來雖遠然上欲革之吹嘘之耳何難之有 因論為上司者曰下民無大無小皆呼為父母者何也 三箇院子亂人紀壞風俗欲天下化而入善可乎此弊 不可以革之乎京師為天下觀法首善之地也今却放 KIND DIED LIBERT 毒矣不食其子為民父母反虎狼之不如矣父母二字 以在上能安養之如父母之於子也乃或畧無慈爱惻 醫問集

意王公素稱正直不知此來如何處置須陳言將司禮 朝廷取王宗貫敕諭方說得痛切方有箇着實用賢之 作命名作序乃尹氏直也曰十數人中有好者有不知 偶見南京壽俊會乃王宗貫守備時與成國公東人所 官方是第一等大事然後禍本可絕天下可平但未知 監批聖旨權柄歸還閣下如祖宗初制使政不出於宦 多少也母白電 王公果何如耳 可不深思之哉

者如某人貪濫小人王公乃與之作會便是惡惡之意 不十分了若不知其人却是糊突又曰者英會名頭本 不十分今又做壽俊會豈不貽笑天下後人夫在己果

者英之名是文路公粗處若使鼻陶稷契周程張朱肯 英人稱之可也自曰英可乎今某人為人如此乃自稱 為俊不幾於無忌憚乎又曰白樂天九老會其名方是

班於是列文路公乃命人於幕後圖其像而强之會

火包四車全書 一

醫問集

如此名乎當時雖司馬公亦預列然其初自謂年幼不

生以之可哀也已 然則司馬之謙退安知其不在於此乎又曰某人壽俊 築堡圈承平之時因循不覺一遇盜賊蜂起何以自保 而腹裏不盡建城郭各邊惟謹墩墙之備而住種不盡 會言其在會中年少意欲比司馬公你如何比得他 簡選武將須是先知些思君孝親道理更晚解兵法方 先生嘗謂重門擊析自古然也令朝廷知重三邊之防 可大用天與之良貴却棄而不求狗在外之得失乃死

除賀木棉於丁家道口貨貨既出而天氣亢旱府君不 |孝養叔常疾踰旬朔府君畫耕於郊夜侍於家雖極辛 來遼補役私考有弟當行臨行避匿府君慨然曰塞垣 先生之考二府君生於浙之定海年弱冠其私考志初 忍人之難於食也遂棄券而歸客中無事手織草復置 為己賄己而空囊抵家尊者詩責之不與之辨也又當 若不自知也當商於南州有所獲縱兄弟先持以歸謂 非可獨往我當共之始至廣寧後選義州奉事私考極

狄定四車全書

醫問集

先生母郭氏夫人勤慎仁慈先夫人張氏卒時有女數 价橋者輒捐貨助之至一處適囊底空竭惟網巾上有 雄和鳴飛翔上下府君喜謂同伴曰斯不可樂耶途值 之勸同伴曰安用此子不見其配之哀鳴乎縱之可也 鳥為巢同伴少年以計取其一其一飛鳴不已府君憫 乃譬晓百端同伴猶不可府君因具酒肴請之縱馬雌 1門外見有跣足過者賴與之一日即中樹妙有蠟嘴 一雙逐解以界之府君仁孝忠誠皆此類也

歸十餘年尚不覺其為先姑女也繼母之賢世亦鮮馬 歲夫人養如已出既嫁之後 息意尤篇先生之夫人 于 用是郭先生及胡節婦咸有異行云

欠正日 面 公事

船間集

